

Tafsiira Suuratu Ar-Ruum-Kutaa 6

Description

Haadha Manaatti Tasgabbaaâ€™u

Dhugumatti, wanta ajaaâ€™ibaa keessaa tokko, dhiiraa fi dubartiin takkuu wal hin beekne guyyaa tokko yommuu wal argan wal jaallachuun isaan keessatti uumama. Rabbiin subhaanahu wa taâ€™aalaa jaalala qalbii isaanii keessatti darba. Yommuu wal fuudhan dhiirri ishiitti tasgabbaaâ€™a, ishiinis isatti tasgabbofti. Kuni mallattoolee Rabbii oltaâ€™aa keessaa tokko. Mee ibsa kanaa Suuratu Ar-Ruum irraa haa ilaallu:

﴿وَمِنْ عَائِتِهِ أَنْ خَلَقَ لَكُمْ مِنْ أَنفُسِكُمْ أَرْوَاجًا لِتَسْكُنُوا إِلَيْهَا
وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ﴾

â€œAmmas, mallattoolee Isaa keessaa, akka isaanitti tasgabooftaniif isin keessaa haadholee manaa isiniif uumuu fi jidduu keessanitti jaalalaa fi rahmata gochuudha. Dhugumatti, kana keessa namoota xiinxallaniif mallattooletu jira.â€ Suuratu Ar-Ruum 30:21

Kana jechuun, mallaattoolee Rabbii oltaâ€™aa guutummaa dandeetti fi rahmata Isaa agarsiisan keessaa: akka isaanitti tasgabooftaniif niitiwwan sanyii keessan irraa taâ€™an isiniif jecha umuudha. Niiti fi abbaa manaa ishii jidduu jaalalaa fi mararfanna kaaâ€™e [\[1\]](#)

Rabbitiin subhaanahu wa taâ€™aalaa osoo ilmaan namaa hunda dhiira godhee fi dubartoota isaanii immoo sanyii biraan irraa godhee, kan akka jinnii ykn beelladaa irraa godhe, silaa isaanii fi haadholee manaa isaanii jidduu wal taâ€™iinsi hin argamu ture. Kana irra, osoo niitin sanyii biraan irraa taatee, silaa walirraa dheessu turan. Ergasii ilmaan Aadaamiif rahmata gochuu irraa kan kaâ€™e niitiwwan isaanii sanyii isaanii irra godhe, isaanii fi niitiwwan isaanii jidduu jaalalaa fi mararfanna godhe. Dhiirri dubartii kan qabatuuf ishii waan jaallatuuf ykn rahmata ishiif gochuufi. [\[2\]](#)

Ishiinis isatti kan maxxantuuf isa jaallatteti ykn rahmata gochuufi. Dubartiin abbaa manaa ishii yoo jaallatte rahmata isaaaf gooti. Osoo haati dubartoota hunda caalaa rahmata ilmaaf kan gootu taâ€™uu baatte, silaa niitin abbaa manaa ishiitiif akkuma haadha isaa rahmata gootif jennaa turre. Kanaafi, haadha abbaa, maatii fi biyya ishii dhiistee abbaa manaa ishii hordofti. Kanaafi, yommuu inni dhibamu xiyyefannoo isatti akka kennitu ni argita. Xiyyefannoo abbaa fi haati isaa isaaaf godhan caalaa ishii irraa argata. Yoo inni gammade ni gammaddi. Yoo gadde, ishiinis ni gadditi. Yoo haalli jidduu isaanii jiru gaarii taâ€™e, boqonnaa isaatii fi isa gammachisuuf jette wanta qabdu hunda gurgurti. Inumaa, dubartiin gariin abbaa manaa ishiitiif rahmata gochuuf faaya ishiitii fi uffata garmalee ishii hin barbaachisne gurgurti. Shakkii hin qabu kuni rahmata.

Dhiirris akkuma kana ishii jaallata, rahmata ishiif godha. Jaalalli beekkamaadha. Osoo jaalalli isaan jidduu jiraachu baate silaa wal qunnamtiin isaan jidduutti hin argamu ture.

Jaalalaa fi rahmata bakka tokkotti fiduun ibsa daangaa olâ€™aanaa irra gaheedha. Sababni isaas, isaan keessaa tokko rahmatatti yoo hajame, rahmanni ni seena, jaalala irratti ni dabala. Jaalalaa fi rahmanni bakka tokkotti yoo dhufan, amaloota kanniin keessaa tokko adda taâ€™uu caalaa amalli baayâ€™ee cimaa taâ€™ee amaloota lamaan kana irraa ni madda. Kanaafi, namni hiyyeessa ilaalcha jaalalaatin osoo hin taâ€™in ilaalcha rahmataatin isa ilaala. Garuu rahmanni jaalala waliin yoo walitti dhufe, kana irraa amalli guddaan ni dhalata.[\[3\]](#)

**Jaarsaa fi jaarti jidduu jaalalli qofti ykn rahmanni qofti jiraachuu caalaa
jaalalaa fi rahmanni jiraachuun amala baayâ€™ee guddaa fi olâ€™aanaa
taâ€™eedha.**

â€œDhugumatti, kana keessa namoota xiinxallaniif mallattoletu jira.â€

Aayah tana keessa mallattoolee afur dandeetti, ogummaa, rahmata Rabbii fi amaloota Isaa biroo agarsiisantu jiru. Isaanis: jalqaba ilma namaatu uumuun mallatto tokko. Itti aanse â€œisin keessaa haadholee manaa isiniif uumuuâ€ kuni mallatto lammataati. Haadholee manaa sanyii namaa irraa gochuun mallatoodha. â€œjidduu keessanitti jaalalaa fi rahmata gochuuâ€ kuni mallattoolee lama. Jaalala gochuun mallatto tokko, rahmata gochuunis mallatto biraati. Mallattooleen kунин hundi dandeetti, ogummaa, beekumsaa fi rahmataa Rabbii oltaâ€™aa agarsiisu.

Faaydaalee aayah tana irraa:

1-Kaayyoo fuudhaa heerumaa garmalee barbaachisaa taâ€™ee keessaa tokko haadha manaatti tasgabbaâ€™u fi jirenya gammachuun waliin jiraachudha. Kana â€œakka isaanitti tasgabooftaniifâ€ jedhu irraa ni arganna.

2-Jaalalaa fi rahmata Rabbii qalbii jaarsaa fi jaarti keessatti darbe. Kuni mallattoolee gurguddaa irraayyi. Yeroo kaadhimattu malee dubartii hin beeknee fi si fi ishii jidduu hariroon hin jirre, Rabbiin isin jidduutti jaalalaa fi rahmata godha. Inumaa yeroo garii jaalala abbaa fi haadhaa caalu dandaâ€™a. Shakkii hin qabu, kuni mallattoolee Rabbii irraayyi.[\[4\]](#) Kanaafi Rabbiin oltaâ€™aan akkana jedhe:

وَهُوَ الَّذِي خَلَقَ مِنَ الْمَاءِ بَشَرًا فَجَعَلَهُ، نَسَبَا وَصِهْرًا وَكَانَ رَبِّكَ



â€œInni bisaan irra ilma namaa Kan uumee ergasii dhiigummaa fi soddaan [fira] taasiseedha. Gooftaan kee dandaâ€™aa taâ€™e.â€ Suuratu Al-Furqaan 25:54

(Kana jechuun Rabbiin subhaanahu wa taâ€™aalaah dhangalaâ€™aa saalaa dhiiraa fi dubartii irraa sanyii dhiiraa fi dubartii Kan uumedha. Kana irraa firummaan dhiigaatii fi firummaan soddummaa ni madde.)

Gooftaan kee wanta fedhe uumuu irratti Dandaâ€™aadha[\[5\]](#)

Firummaan takkaa dhiigaan taâ€™a kan akka haadha abbaa, obboleessa, obboleetti fi kkf, takkaa immoo soddummaan (fuudhaa heerumaan) taâ€™a.)

**Nama uumuun, sanyii namaa irraa haadha manaa itti tasgabbaaâ€™an
uumun, jaalala fi rahmata isaan jidduu gochuun mallattoolee dandeetti,
beekumsaa fi rahmata Rabbi agarsiisaniidha.**

Kitaabban wabii:

- [\[1\]](#) Tafsiir Muyassar-406
- [\[2\]](#) Tafsiir Ibn Kasiir-6/88
- [\[3\]](#) Tafsiir Qurâ€™aanil Kariim-Suuratu Ar-Ruum, Ibn Useymiin- 109-110
- [\[4\]](#) Madda olii-fuula 112-113
- [\[5\]](#) Tafsiir Muyassar-364

Date Created

September 9, 2020

Author

admin